

MARKINA-XEMEIN. Entrenamenduak itxi egin behar izan ditue

LORE BENGOTXEA

Esku Pelotako en esanetan, frontoi txikiak erabilerara asko daukan arren, kasurik ez deusie egiten.

Udala salatu dabe frontoi txikiko istripuagaitik

Itoginek eraginda mutil bat jausi eta eskumuturra hautsi dau

Lore Bengoetxea |

Markina-Xemeingo Esku Pelota taldeak frontoi txikiko arazoak konpontzeko borondaterik ez eukitea leporatu deusio Udalari, eta salaketea jarri deusio, aurreko hilean izan zan istripuagaitik.

Abenduaren 5ean, frontoi txikian entrenetan ebilen 13 urteko mutil bat jausi eta eskumuturra hautsi eban. «Oraindino ez dakigu ze ondorio eukiko dauen, baina, oraingoz behintzat, igeltsa eroan behar dau», adierazo dau Markinako Esku Pelota taldeko buru Serafin Ibarak.

Gertaera harek frontoi txikiko entrenamenduak bertan behera lagatea eragin dau. Esku Pelotakoek dinoenez, itoginagaitik jausi zan mutila. Orain dala lau urte beste istripu larri bat egon zan. «Orduan be entrenetan ebilen mutil bat jausi egin zan itoginagaitik, eta, euki zituan zauriagaitik ebaketak egin behar izan eutsiezen. Barriro hasi da, baina ez dau ia jokatzan pelotari moduan», esan dau Ibarak.

Istripuak istripu, itoginen arazoa beti salatu izan dabe Udalan. «Egoerea konpontzeko azkenengo eskaria zemendiaren 11n bialdu geuntsan, eta 25ean erantzun euskuen baietz, konponduko ebela. Gaur arte», esan dabe. Bien bitartean, 13 urteko gaztearen istripua gertatu da, eta Esku Pelota taldeak

epaiketara jo eta salaketea jarrea erabagi dau. Ardurea aseguru etxearen eskutean itxi dabela erantzun dau Udalak. Bide batez, frontoi txikiko entrenamenduak bertan behera laga ditue. «Dagozan eguraldiekin, itoginak sortzeko arrisku handia dago», dinoe.

Erabilerara askoko lekua

«Udalak ez dau kasurik egiten. Frontoi txikia bertan behera lagata daukie. Azken baten, ardurra falta itzela erakutsi dabe», dinoe. Ganera, gogoratu dabeenez, ez dira frontoi txikiaren erabiltzaile bakarrak. «Hainbat gauzatarako erabiltzen da: plaza ipinteko eta ekitaldi askotarako. Sarri eskatu izan deusio frontoi txikia txukun ipinteko, baina alperrik», dinoe. Propo-

samen zehatzak be eginda daukiez. «Kultur Etxea barritzea erabagi ebenean, frontoi azpia libre lagateko eskatu geuntsen, baina ez eben ontzat hartu, eta gaur egun txiza leku bihurtu da», adierazo dabe. Garbitzeko eskatu arren, ez ei dabe erantzun sendorik lortu. «Gu geu atzetik ibili izan garanean garbitu izan dabe, baina, bestelan, kasurik be ez, eta kontuan hartu behar da txirristadak eragiteaz ganera infekzino leku be bihurtu ahal dala», nabarmendu dabe. Eguenean izaten dan merkata beste era batera antolatzeke eskatu dabe, hau da, fruta dendak kanpora atara (txirristadak eragiten dituelako), eta teladunak, barrura. «Nahiz eta horri be baietz esan, gauzek bardin jarraitzen dabe», dinoe.



EGUNKARIA

Txirristadekin batera, garbitasunaren arazoa be hortxe ei dago.

MENDEXA. Tasetan aldaketak iragarri ditue

Ur hornidurearen tasea %2,7 igon dabe, eta, zamarrena, %5

L.B. |

Mendexako Udalak 2003rako zerbitzu eta baimenen ganeko hainbat tasa eta zerga batzuk igotea erabagi dau. Ur hornidura zerbitzuaren tasea, traxzino mekanikozko ibilgailuena eta urigintza lizentzia joan zan urtean baino %2,7 gehiago ordainduko dabe mende-xarre. «Horixe izan zan, hain zuzen be, 2001ean Kontsumoko Indizearen Prezioaren igoerea», nabarmendu dabe. Zaborra batzeko zerbitzuagaitik %5 gehiago emon beharko dabe.

Eraikin, instalazino eta obren ganeko zergak be aldaketak eukiko ditu. Mantenimendu obrak, baserrietan etxebizitza barria atarateko egiten diranak eta baserri-abeltzantza ustiatzeko eraikin barriak egitearren, aurrekontuaren %3a kobrauko dabe; etxebizitza barriak egiteko obrak, dagozanak zabaltzeko beharrak eta beste erabilerara batzuetarako eraikinen erreformak, %5a; eta industriarako eraikuntza egiteko obrak, negozio eta merkataritza lokalan girotze eta apainketa jarduerakaitik, %4a.

LEA ARTIBAI. Domekan urteerea egingo dabe

Eskualdeko, Mutrikuko eta Debako mendi taldeek urteko egitaraua egin dabe

L.B. |

Lea-Artibaiko, Mutrikuko eta Debako mendi taldeek domekan ekingo deusio urteko urteerei. Hauxe da ibilbidea: Otxandio-Oroisol-Krutzeta-Leintz-Gatzaga. Izena betiko lekuetan emon behar da.

Honetxek dira ganerako eskaintzak: zezeilaren 23an, Beasain-Burumendi-Bidania; martiaren 23an, Aiako Harriak-sagardotegia; apirilaren 13an, Izpegi-Hautza-Erratzu; bagilaren 20tik 23ra Europako Mendiak (La Molina-Cabezo Llerosos; Puente Poncebos; Arenas de Cabrales-Tielve); garagarriaren 6an, Bagargiak-Okabe-Txallet de Pedro; irailaren 7an,

Ziritza-Etxauri-Goñi; urriaren 12an, Puerto de Angulo-Lendoño; eta zemendiaren 16an, Elgea-Mugarri-luze-Arantzazu.

Urteko azkenengo ekitaldia abenduaren 14rako laga dabe. Urtero lege, herri bat aukeratu dabe, hango inguruetatik ibilteko. Aurton, Ondarroan egingo dabe ibilbidea.

Danak batera beharrean

Urteeretan, Lea-Artibaiko mendi taldeek batera dihardue, hau da, Lekeitioko Lumentzak, Markina-Xemeingo Artibaik eta Ondarroako Aurrerak, eta, eurekin batera, baita Mutrikuko Burumendik eta Debako Burdin Kurutzek be.

AGENDEA

ONDARROA

Gurasoen topaketak: Prebentzino Batzordeak 14tik 20 urtera arteko gazteen gurasoentzako topaketak antolatu ditu. Eskolak astelehenean hasiko dira, eta izena gaurko emon behar da.

'Ahoz kotik idatzira': Kirmen Uribe, Unai Iturriaga, Gorka Ostolaza, Maddalen Lujanbio eta Peru Aranbururen saioa prestatu dabe, Antzokian, 22:30etik aurrera. Sarrerak bost eurotan jarri ditue saltzen (2,5 euro, Zenbat Gararen laguntzetan).

Radixu irratia: Ondarroako irratia libreak ohiko programazino hasi dau. Gaur,

10:00etatik aurrera, magazin barria estreinauko dabe: *Brankaz*.

Ondarroa uria: Musika Eskoleak antolatutako kontzertu lehiaketan parte hartzeko epea 31n amaitzen da.

Rock taldeen CDa: Udaleko Gazte Batzordeak eta Animatronik Kolektiboak Ondarroako rock taldeen musika CD an batu dabe, oraingo eta lehengo taldeena. Zurrumurrin, Irakurt inprentan, Apallun, Anaitasun, 34an, Braianen, Gurean eta Basatin jarri dabe saltzen.

2002 urtekaria: Ondarroako Historia Zaleek (OHZ) joan zan urteko gorabeherak eta beste hainbat kontu jasoten dituan urtekaria atera dabe. Zazpi euroan jarri dabe saltzen, liburu dendetan.